



ՄԱՆԿԱՎԱՐԺԱԿԱՆ ՀԱՄԱԼՍԱՐԻԱՆ

17 ԱՊՐԵԼԻ
2023 թ.
№ 4 (1102)

Թերթի առաջին համարը լույս է տեսել 1965 թ. մարտի 11-ին
երկշաբաթաբերթ • Իրատարակման 57-րդ տարի

ԽԱՅԱՏՈՒՐ ԱՐԻՎՅԱՆԻ ԱՆՎԱՆ ՀԱՅԿԱԿԱՆ ԴԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԻԱՆԻ ԴԱՇՏՈՒԱԹԵՐ

«Շախմատը կրթության մեջ՝ որպես ընդհանուր զարգացման ռեսուրս»



Ապրիլի 15-ին տեղի ունեցավ Խաչատուր Աբովյանի անվան հայկական պետական մանկավարժական և Մոսկվայի պետական հոգեբանամանկավարժական համալսարանների կազմակերպած «Շախմատը կրթության մեջ՝ որպես ընդհանուր զարգացման ռեսուրս» խորագրով միջազգային առցանց գիտաժողովը:

Ուշադրության կենտրոնում էին շախմատի դասավանդման մեթոդներն ու տեխնոլոգիաները, շախմատը որպես ընդհանուր զարգացման գործիք, շախմատի դասավանդման ուղղտուն փորձի փոխանակումը և այլն:

Գիտաժողովին միացել էր 100-ից ավելի մասնակից աշխարհի տարբեր երկրներից, այդ թվում՝ Չայաստան, ՌԴ, Վրաստան, Ղազախստան, Թուրքմենստան, Ուզբեկստան, Բելառուս:

Առցանց գիտաժողովը վարում էր հայտնի շախմատային մեկնաբան Եվգենի Աթարովը, որն այս օրերին գտնվում է Չայաստանում ԳՊՄԳ-ում:

Պլենար միտում գիտաժողովի մասնակիցներին ուղղուեց ԳՊՄԳ ռեկտոր Սրբուհի Գևորգյանը: Նա կարևորեց արտասահմանյան գործընկերների մասնակցությունը՝ ընդգծելով, որ կրթական համակարգում շախմատի ապագայի հանդեպ մասնագիտական հետաքրքրվածությունը և շախմատի միջոցով բանիմաց և բազմակողմանի զարգացած սերունդ կրթելու առաջնահերթությունը:

Ռեկտորը կարևորեց գիտաժողովում քննարկվող հիմնահարցերը և հույս հայտնեց, որ դրանք կօգնեն շտկումներ կատարել դասավանդման մեթոդիկայում, հոգեբանաման-

կավարժական տեսական հիմքերում և առաջարկվող մոտեցումները կկիրառվեն կրթական գործընթացներում:

Մոսկվայի պետական հոգեբանամանկավարժական համալսարանի նախագահ, հոգեբանական գիտությունների դոկտոր, պրոֆեսոր Վիտալի Ռուբցովը նշեց, որ չնայած շախմատը որպես պարտադիր առարկա վաղուց է ներառվել դպրոցում, բայց մասնագիտական շրջանակներն այսօր էլ բարձրացնում են հարցը, թե ի՞նչ չափաբաժնով և ի՞նչն է այն անհրաժեշտ կրթության ոլորտում:

Վիտալի Ռուբցովը նկատում է խորագիրն արդեն իսկ հուշում է շախմատը, նախ և առաջ, ընդհանուր զարգացման ռեսուրս է, իսկ գիտաժողովն իր առջև խնդիր է դրել բացահայտելու՝ ինչպիսին է կրթական շախմատի ազդեցությունը, դիագնոստիկ և պրակտիկ կիրառության արդյունավետությունը տարբեր տարիքային խմբերի վրա, այդ թվում՝ նրանց ինտելեկտուալ զարգացման գործում:

Շախմատի ակադեմիայի նախագահ, ԳՊՄԳ «Շախմատ» գիտահետազոտական ինստիտուտի տնօրեն, գրոսմայստեր Սմբատ Լպուտյանը էլ նկատում է կրթության ոլորտում փոփոխություններն արագ են կատարվում գրեթե ամեն ամիս առարկայի, նրա կարևորությունն մասին քննարկումները նոր են, սակայն կան շատ հարցեր, որ հետաքրքրում են աշխարհին, իսկ դրանց պատասխանները կարող են տալ նման գիտաժողովները:

Սմբատ Լպուտյանը հավելում է՝ կրթական շախմատում 16 տարվա փորձառությունը թույլ է տալիս պնդել, որ այն կարևոր է, անհրաժեշտ և արդյունավետ ապագայի հա-

մարգ՝ Այսօր շախմատն էլ ավելի է կարևորվում այն ամենուր է՝ նախադպրոցական կրթական հաստատությունից մինչև բուհ: Վստահ եմ, որ մարդիկ ապագայում կգնահատեն ոլորտը զարգացնելու մեր ջանքերը»:

Գիտաժողովի աշխատանքները շարունակվեցին զեկուցումներով:

«ԳՊՄԳ կրթական համակարգում «Շախմատ» առարկայի դասավանդման հետազոտության մասին» զեկուցումը ներկայացրեց ԳՊՄԳ Ուսումնագիտական գծով պրոռեկտոր Մարիամ Իսպիրյանը: Պրոռեկտորն անդադարձավ ԳՊՄԳ դպրոցներում «Շախմատ» առարկայի դասավանդմանը, վերապատրաստումներին, ինչպես նաև 2012 թվականից ԳՊՄԳ-ում ուսուցանվող «Շախմատի դասավանդման տեսություն և պրակտիկա» առարկայի շրջանակներում կատարված հետազոտության մասին: «Վերանայվել է առարկայի յուրացման կրթական արդյունքներն ապահովող մեթոդական բաղադրիչը, մշակվել են ուսումնական պրոցեսում արդյունավետ անհատական և խմբային մեթոդների ներդրման հետ կապված մի շարք առաջարկներ», - նշեց Մարիամ Իսպիրյանը ու անդրադարձավ շախմատային հմտությունների և անձնային հոգեբանական առանձնահատկությունների միջև կապին:

Գիտաժողովում ներկայացվեցին «Շախմատը ընդհանուր զարգացման համար» նախագծի հոգեբանատրոլոգիչ աջակցության համակարգի զարգացման պատմությունը, նշանակությունը, դպրոցում շախմատի դասավանդման արդյունավետության կանխորոշիչ գնահատման հավանական գործիքակազմը, «դասական» և «խաղային» խմբերում շախմատի դասավանդման արդյունավետությունը:

Մասնակիցներն իրենց ելույթներում անդրադարձան նաև շախմատի ուսումնասիրման համատեքստում աշակերտների աշխատունակության դրսևորման առանձնահատկություններին, 21-րդ դարի հմտությունների վրա ուսուցման ազդեցությանը, Չայաստանում մշակված նախադպրոցական շախմատային նախագծերին և այլն:

Գիտաժողովն ընթացավ տեսանյութերի դիտմամբ, մասնագիտական ոլորտի ներկայացուցիչների ակտիվ մասնակցությամբ և ամփոփվեց կլոր սեղան-քննարկումով:

Մարին ԱՆԵՎՅԱՆ



Մենք ձեզ հող չենք Կա

Մենք ձեզ հող չենք տա, Այստեղ կյանքեր կան, Այստեղ մերոնք են հողին շաղախվել, Մեր զինվորների սրբազան արյամբ Զորիզոններն են կարմիրով վառվել:

Մենք ձեզ հող չենք տա, Այստեղ վերքեր կան, Այստեղ ոտքեր են ականով հատվել, Այստեղ ոգեղեն մեր զավակների Սուրբ հոգիներն են երկնքին փարվել:

Մենք ձեզ հող չենք տա, Այստեղ երգեր կան, Այստեղ սխրամբն է հույսեր իրկիզել, Այստեղ՝ շարքերում, սերընդեսերունդ Նահատակներն են լեզենդներ դարձել:

Դավիթ ՎԱՆՅԱՆ

Կրթությունը չի նախապատրաստում կյանքին. կրթությունն ինքնին կյանքն է:

ԶՈՆ ԴՅՈՒԻ

«Մանկավարժականը պետք է վերցնի ֆրանսերենի ուսուցիչների վերապատրաստման կարևորագույն դերը», -

ասում է Գիյոմ Նարժուլեն



Չեռթական համդիպումը Մանկավարժականում Չայաստանում Ֆրանսիայի դեսպանատան Մշակույթի և համագործակցության հարցերով խորհրդակցական Գիյոմ Նարժուլենի և Կրթական և համալսարանական հարցերով կցորդ Սելինեն Գերեի հետ էր: Քննարկման թեման ֆրանսերենի հիմնախնդիրներն էին:

Չանդիպման ընթացքում Գիյոմ Նարժուլեն խոսեց շուրջ 10 տարի իրենց կողմից իրականացվող կրթական ծրագրերի մասին՝ վստահեցնելով, որ ունեն մոր ծրագրեր, որոնք ուզում են իրականացնել հատկապես Մանկավարժական

համալսարանի հետ համագործակցության միջոցով:

Չայաստանում Ֆրանսիայի դեսպանատան Մշակույթի և համագործակցության հարցերով խորհրդակցանը խոսեց ֆրանսերենի մակարդակն ու որակը բարձրացնելու հարցերի մասին, ներկայացրեց իր մտահոգությունները: Նրա կարծիքով լուրջ հիմնախնդիրներից մեկն այն է, որ մարզերի դպրոցներում դասավանդող ֆրանսերենի ուսուցիչները երբևէ չեն վերապատրաստվել, նաև չեն եղել Ֆրանսիայում:

Դեսպանատան ներկայացուցիչներին

հյուրընկալած Աշխատակազմի և միջազգային համագործակցության գծով պրոռեկտոր Մարիամնա Չարությունյանը ցավով նկատեց, որ Ֆրանկոֆոնիայի կազմակերպության անդամ Մանկավարժական համալսարանն արդեն 3 տարի ֆրանսերենի ուսուցիչ չի պատրաստում դիմորդներ չունենալու պատճառով: Օտար լեզուների ֆակուլտետի ղեկավար Ֆրանսիկա Միքայելյանն էլ փաստեց՝ մենք ֆրանսերենի բաժինը պահելու խնդիր ունենք:

Չայաստանում ֆրանկոֆիլ տրամադրվածությունն անգամ չի նպաստում ֆրանսերենի համրեց շահագրգիռ վերաբերմունքին, որ անգլերենն առաջնային է մեծ մասի համար որպես միջազգային լեզու:

Գործնական խոսակցություն ծավալվեց ֆրանսերենի գրավչությունը բարձրացնելու, դպրոցներում ու բուհերում ֆրանսերենի խորացման ուղիների շուրջ՝ մասնավորապես շեշտը դնելով լեզվի դասավանդման որակի վրա: «Մեր նպատակն է զարգացնել և կատարելագործել ֆրանսերենի դասավանդումը Չայաստանում», - ասաց Գիյոմ Նարժուլեն՝ հետաքրքրվելով բուհը կարող է վերապատրաստումներ ա-

նել աշխատող ուսուցիչների համար՝ զարգացնելու նրանց լեզվական կարողությունները:

Պրոռեկտոր Մարիամնա Չարությունյանի կարծիքով խնդիրը միայն լեզվական գիտելիքները չեն, այլև դասավանդման մեթոդներն ու գործիքակազմը:

Ըստ նախնական համաձայնության՝ Մանկավարժական համալսարանը ձեռնամուխ կլինի 2024-2025 թթ.-ին ֆրանսերենի ուսուցիչների վերապատրաստմանը, իսկ մինչ այդ հաշվի կառնվեն թիրախային խմբերը, կարիքները, կադապտացվեն նոր դասագրքերով աշխատելու: Չայաստանում դասավանդող ֆրանսերենի 350 ուսուցիչներից շարունակաբար յուրաքանչյուր տարի կվերապատրաստվի 30-ից 40 ուսուցիչ: Այսպիսով, Մանկավարժական համալսարանի հետ էլ կսերտանա ֆրանսերենի ուսուցիչների կապը:

Գիյոմ Նարժուլեն համոզված է Մանկավարժականը պետք է վերցնի ֆրանսերենի ուսուցիչների վերապատրաստման կարևոր դերը, որի արդյունքում կմեծանա լեզվի դերը, և դիմորդները կցանկանան դիմել ֆրանսերենի բաժնի: Առաջիկայում Ֆրանսիայից փորձագետների պատվիրակություն կժամանի, որոնք հետ համդիպումն ու քննարկումները կլինեն առավել կառուցվածքային, բովանդակային ու գործնական: ԳՊՄԳ պրոռեկտոր Մարիամնա Չարությունյանն առաջարկեց վերոհիշյալ հիմնախնդիրներին ու հարցերի շուրջ քննարկումն առաջիկայում վավերացնել պայմանագրով և սկսել ֆրանսերենի ուսուցիչների վերապատրաստումը:



ռեկտորը:
Ռեկտորն ընդգծեց Սուսաննա Փիլոսյանի հսկայական պատասխանատվությունը՝ արժեհամակարգի առումով, հոգեբանական գիտելիքի պահպանման տազնապնդը և որ պրոֆեսորի՝ մասնագիտական գիտելիքների փոխանցման հոգածությունն ու հիմնարար մոտեցումներն անկրկնելի են:

Սրբուհի Գևորգյանը շնորհավորեց պրոֆեսոր Սուսաննա Փիլոսյանին փաստելով, որ դա-

Գրքի շնորհանդես

Քուհական հայալեզու դասագիրք՝ ուսանող-դասախոս երկխոսության նոր հնարավորություն

Մանկավարժական համալսարանի Գիտական գրադարանի ընթերցասրահում ապրիլի 12-ին կազմակերպվել էր Կրթության հոգեբանության և սոցիոլոգիայի ֆակուլտետի Կիրառական հոգեբանության ամբիոնի պրոֆեսոր, հոգեբանական գիտությունների թեկնածու Սուսաննա Փիլոսյանի «Ընդհանուր հոգեբանություն» բուհական դասագրքի շնորհանդեսը: 2017 թվականին լույս տեսած, ապա 2019 և 2022 թվականներին լրամշակված բուհական ձեռնարկը հեղինակը դարձրել է բուհական դասագիրք:

ՀՊՄՀ ռեկտոր Սրբուհի Գևորգյանը փաստեց՝ գիրքը վաղուց սպասված էր և՛ ուսանողների, և՛ դասախոսների համար: Խոսելով բուհական դասագրքի առանձնահատկությունների մասին՝ ռեկտորն ընդգծեց, որ դասագիրքը գրելը բավականաչափ բարդ գործընթաց է, որովհետև այն ունի բոլոր ժամանակների համար հիմնարար, միաժամանակ ժամանակի առումով սահմանափակ մոտեցումներ: Ռեկտորը հիշեց այն ժամանակները, երբ սովորում էին օտարալեզու հեղինակի դասագրքով, որի հիմքում բուրժուական տեսություններն ու մոտեցումներն էին:

«Երկար տարիներ մեր բուհի ուսանողների համար հիմնարար և ամենապահանջված դասագիրքը Ալբերտ Նալչաջյանի դասագիրքն էր: Ես ուրախ եմ և հպարտ, որ այսօր, Մանկավարժական համալսարանի պրոֆեսոր Սուսաննա Փիլոսյանի շնորհիվ մենք ունենք հայալեզու նոր դասագիրք, որը ժամանակակից բոլոր հիմնարար պահանջներին բավարարում է, գիտելիքը մասնագիտական տիրույթում մատուցվում է հանրագիտարանային ընկալմամբ», -ասաց



սագրքի ստեղծումը լավագույն հնարավորություն է ուսանող-դասախոս երկխոսության համար: Նա ուսանողներին հորդորեց՝ սովորել հենց այդ դասագրքով, Կրթության հոգեբանության և սոցիոլոգիայի ֆակուլտետի «Ընդհանուր հոգեբանության» առաջին դասագրքով:

Ֆակուլտետի դեկան Ռուզաննա Պետրոսյանը բուհական դասագիրքը համարեց ֆակուլտետի մեծագույն ձեռքբերումը, իսկ այն ընթերցելը՝ մեծագույն հաճույք: Այս գիրքը սովորեցնում է սովորել և մտածել:

Հոգեբանական գիտությունների >4



ԲԱՅՑ ՀԱՎԱՏԱՐՆԵՐ, ՈՐ ԹԵԹԵՒ ԷՐ ԿԵԱՆՔԻ ՈՒ ԽՆԴՈՒՄ, ՄԻՐԵԼԻ՝ ՄԱՐՏԻՆ...

(յիշատակի խօսք)



Կեսանքից անակնկալ հեռացաւ նա: Մի օր առաջ ընդունեց երկրորդ միջանկեալ բանասիրական ասարտական լսարանում, տուն գնաց ուրախ տրամադրութեամբ, այն յոյսով, որ ուսանողները ընդ յաջողութեամբ կը յամենեն պետականները: Թուում էր Համալսարանի Պրոֆեսոր, բանասիրական գիտությունների դոկտոր Մարտին Գիլաւեանը կեսանքն ապրում էր լիաբուռն ու լիասիրտ: Ուր մտնում էր, լսարան թէ ամբիոն, դեկանատ թէ Ակադեմիայի գրականութեան ինստիտուտ, վարակում էր գրոյցի անկաշկանդ ուղղութեամբ, անսպառ ժպիտով, մի գաւաթ սուրճի շուրջ՝ սրամիտ եւ դիպուկ նետուած խօսքով: Սիրուած էր համալսարանում: Բոլորը գիտէին, որ ամբիոնի թեթեւ ու կենսախիտ էր դիմաւորում կեսանքի կեանքները: Ուներ հրաշալի ընտանիք, զաւակներ, թոռներ...:

Խնամքով բոլորից թաքցնում էր իրեն ներսից կոտորացող ցաւը՝ երիտասարդ, շնորհալի որդու անակնկալ կորստեան մորմոքը վերջին տարիներին, որ ներքնապէս ու շատերի համար անտես հիւծում էր իրեն: Թերես հարազատների եւ շրջապատի համար դառնագոյն մոր անակնկալը եղաւ Մարտին Գիլաւեանի սրտի կանգը: Ո՛վ կը սպասէր: Թուում է՝ առաջին անակնկալի սպին դաւադիր արթնացաւ, որքան էլ այն կոյր հաւատն ունենային մերձաւորներն ու բարեկամները, թէ տոկոսն է իրենց Մարտինի սիրտը: Ինչպէս չի շեք տերեանական խօսքը՝ իմաստաւորելով, թէ թեթեւ չէր անցնում մեր ընկերոջ կեանքը, ներքին տառապանքն էր նրա մոր օրերի ուղեկիցը:

Համալսարանում բարձր էին գնահատում Մարտին Գիլաւեանի անցած մանկավարժական եւ գիտական ուղին. այստեղ էր Սիւնեաց լեռնաշխարհից եկած պատանին կերտել իր նոր կենսագրութիւնը, ապրել իր յախուռն երիտասարդութիւնը՝ թողած կարմիր տանիքներով Գորիսը, գրել առաջին բանաստեղծութիւնը: Եւ երբ բաւական յապաղումով, 2002-ին հրատարակել էր այնքան սպասուած «Քեզ հետ եւ առանց քեզ» քերթողագիրքը, խոստովանել էր, թէ այն միայն սիրած աղջկան չէր ուղղուած, այլևս ծննդավայրին, Լորագետին, Որոտանին, Ջանգեզուրի կայոյտ քարափների, նրա մարդկանց: Պատահական չէր տասնամեակներ ի վեր սիմվոլիստական գեղարուեստական մտածողութեան եւ առհասարակ բանաստեղծութեան գիտական ընկալման տիրական ներկայութիւնը Մարտին Գիլաւեանի զգացական ու իմացական բաւիղներում, որն էապէս խորացրել է տեսական դատումների զինանոցը, դարձել գրականագիտական հայեացք եւ

ուսումնասիրութիւն, ուսանողներին անհրաժեշտ ձեռնարկ: Դրա վկայութիւնները մէկից աւելին են. յիշենք «Ռուսական սիմվոլիզմը եւ արեւելահայ պոէզիան թեկնածուական» (1982) եւ «Նորագոյն շրջանի հայ պոէզիայի զարգացման միտումներն ու օրինաչափութիւնները» (1994) դոկտորական ատենախօսութիւնները, «Պոէզիան եւ ժամանակի շարժումը» (2003), «Վահան Տերեանից Պարոյր Սեւակ ու մինչեւ մեր օրերը» (2017), «Սիմվոլիզմը հայ պոէզիայում» (2018) գրքերը եւ այլ ուսումնասիրութիւններ, յօդուածներ:

Նշենք նաեւ, որ Մարտին Գիլաւեանը խորը գնահատութեան էր արժանացել գիտամեթոդական ասպարեզում. բաւական է մշել այն բացառիկ դերը, որ նա ձեռք էր բերել համալսարանում՝ դառնալով եւ մինչեւ մահը քսան տարի անընդմէջ մնալով «Հայագիտական հանդէս»-ի հիմնադիր-խմբագիրը, որի գիտականութեան մակարդակը քանիցս ընդունել է ճանաչել է խոստովարժ ԲՈԿՆ: Հարկ է մշել, որ միայն դրանով, ի թիւս մեր հաստատութեան այլ ժամանակներ, անուն հանած գիտական պարբերականների, «Հայագիտական հանդէս»-ը անշեղօրէն բարձրացրել է արվեստագիտական գիտական վարկանիշը:

Մարտին Գիլաւեանը միշտ երիտասարդութեան հետ էր: Սխալուած չէնք լինի՝ մշելով թերես ամենակարեւորը. հենց համալսարանում ձեռք էր բերել հմուտ դասախօս-մանկավարժի համբաւ անցեալ դարի 70-ական թթ. մինչեւ մեր այս օրերը: Նշենք կրթական ոլորտին բերած յիշարժան ծառայութիւնները. 1995-2011 թթ. նա բանասիրական ֆակուլտետի դեկանն էր, մինչեւ այսօր Վաչէ Պարտիզուանու անուան հայ մոր եւ նորագոյն գրականութեան եւ նրա դասաւանդման մեթոդիկայի ամբիոնի փորձառու Պրոֆեսոր, շուրջ կէս դար բանասիրական բաժանումընթացում կարդացել է գիտամեթոդական տարաբնոյթ դասընթացներ՝ ռուս գրականութեան եւ հայ նորագոյն եւ նորանկախ շրջանների գրականութիւնների գծով, ղեկավարել հարիւրաւոր ասարտական աշխատանքներ եւ մագիստրոսական թեզեր: Աւելորդ չէ մշել, որ նրա ղեկավարած հմուտ մակաճի տակ տասնեակ ասպիրանտներ եւ հայցորդներ պաշտպանել են թեկնածուական ատենախօսութիւններ. յիրաւի, նա խորը յետագիծ է թողել նորահաս սերնդի գիտական հմտութիւնների ձեւաւորման ճանապարհին:

Մարտին Գիլաւեանը յարգուած էր ուսանողական տարբեր սերունդների շրջանում եւ գիտական հանրութեան մէջ, մնում էր սիրուած աւագ գործընկեր ամբիոնում եւ համալսարանական միջավայրում: Նրան խորապէս գնահատում էին նաեւ համալսարանից դուրս. ՀՀ ԳԱԱ Մ. Աբեղեանի անուան գրականութեան ինստիտուտի գիտական խորհրդի եւ աստիճաններ շնորհող խորհրդի անդամ էր:

Բազմամեայ գիտամանկավարժական արդիւնաւոր գործունէութեան համար Մարտին Գիլաւեանը պարգտատրուել էր ՀՀ վարչապետի, Հայաստանի գրողների միութեան պատուոգրերով, ԿԳՄՍ նախարարութեան, մեր հարիւրամեայ համալսարանի բարձրագոյն պարգեւներով, «ՖրիտեՖ Նանսեն» մեդալով:

ՍՈՒՐԵՆ ԴԱՆԻԷԼԵԱՆ
Վաչէ Պարտիզուանու անուան հայ մոր եւ նորագոյն գրականութեան եւ նրա դասաւանդման մեթոդիկայի ամբիոնի վարիչ



- Տիկին Գևորգյան, ներկայացե՛ք, խնդրեմ:

- Կարինե Գևորգյան: Ծնունդով Լոռու մարզի Վաճառք քաղաքից եմ: Ավարտել եմ Վաճառքի ԱՎ. Իսահակյանի անվան № 2 միջնակարգ դպրոցը, նույն տարում ընդունվել եմ Վաճառքի պետական մանկավարժական համալսարանի Տարրական ուսուցման մեթոդիկայի ֆակուլտետը: Հետագայում հեռակա ուսուցմամբ ավարտել եմ նաև ԵՊՀ-ի Սոցիալական մանկավարժության ֆակուլտետը:

1996թ.-ից Նոր Հաճնի ավագ դպրոցում աշխատել եմ մախ որպես տարրական դասարանների ուսուցիչ, այնուհետև ԴԱԿ, սոցմանկավարժ: 2014-2018 թթ.-ին Արզակյանի Խ. Խաչատրյանի անվ. միջնակարգ դպրոցում զբաղեցրել եմ տնօրենի պաշտոնը, ապա 2018 թ.-ից առ այսօր Նոր Հաճնի ավագ դպրոցի տնօրենն եմ:

- Հե՞շտ է արդյոք լինել դպրոցի տնօրեն:

- Դպրոցի տնօրեն լինելը բարդ և պատասխանատու աշխատանք է: Առավել ևս այն պարագայում, երբ այն ավագ դպրոց է: Այստեղ մեր աշխատանքը բազմապատկվում է՝ ապահովել սովորողների գիտելիքների՝ չափորոշչով մախատեսված անհրաժեշտ նվազագույնը, մեծագույն պատասխանատվություն կրել սովորողների անվտանգության, առողջության, սոցիա-



լը տարեցտարի դժվարանում է, բայց ֆինանսական փոխհատուցումը մնում է ցածր: Իհարկե, կրթության ոլորտում տեղի ունեցող փոփոխությունները ենթադրում են այս առումով բարեփոխումներ (օրինակ՝ կամավոր ատեստավորումը, տարակարգը և այլն), բայց այն հասանելի չէ բոլոր ուսուցիչներին և, այնուամենայնիվ, կորչում է գրավչությունը այս կարևորագույն մասնագիտության նկատմամբ:

Ահա այս խնդիրների լուծման մեջ եմ տեսնում ուսուցչի հեղինակության բարձրացումը:

-Ո՞րն է տնօրեն-ուսուցիչ-աշակերտ-ծնող շղթայի ամենաթույլ օղակը:

- Այս շղթան շատ ամուր կապ է ենթադրում և սրանցից որևէ մեկի թույլ լինելը կամ թուլանալը անկում է ենթադրում: Սովորողի համակողմանի կրթությունը և դաստիարակությունն ապահովելու համար պետք է շատ ամուր գործեն բոլոր օղակները, պետք է համագործակցեն և լրացնեն միմյանց: Ամեն դեպքում, այս շղթայի կարևոր շահառուն աշակերտն է, և բոլորիս գործողությունները պետք է ուղղված լինեն նրա կարիքները բավարարելուն:

- Ի՞նչ հետաքրքիր գործերով է աչքի ընկնում Ձեր ղեկավարած դպրոցը:

- Արդեն հինգ տարի է՝ ՀՀ ԿԳՄՍՆ «Նոր Հաճնի ավագ դպրոց» ՊՈԱԿ-ի տնօրենն եմ և իմ ղեկավարած դպրոցի կարևորագույն խնդիրն ու նպատակը համարում եմ շրջանավարտին ինքնուրույն կյանքին պատրաստելը, սովորեցնել դիմագրավել կյանքի մարտահրավերներին: Ուստի, կարևոր հիմնասյուն եմ համարում աշակերտին մասնագիտական կողմնորոշում տալը, և այս առումով մեր դպրոցում մեծ աշխատանք է տարվում: Մենք համագործակցում ենք տարբեր բուհերի, ուսումնական հաստատությունների հետ, այցելում ենք բուհեր, ժամոթանում ենք ֆակուլտետներին և վերլուծում դրանց արդիականությունը մեր օրերում: Բավականին ակտիվ է նաև արտադասարանային և մշակութային կյանքը: Բոլոր էքսկուրսիաները նպատակային են ու բազմազան՝ թանգարաններ, թատրոն, օպերա, բալետ, կինո և այլն, բոլոր միջոցառումներն ուղղված են հայրենաճանաչմանը, հայ ժողովրդի ստեղծած հոգևոր և նյութական արժեքների, գիտության, արվեստի, արհեստի և հայի ինքնության ճանաչմանը:

- Ուրիշ ինչի՞ մասին կուզեիք խոսել:

- Ես մախ և առաջ ուսուցիչ եմ և միշտ առաջնորդվել եմ Լև Տոլստոյի հետևյալ հայտնի խոսքերով. «Եթե ուսուցիչը սիրում է իր աշխատանքը, նա լավ ուսուցիչ կլինի: Եթե ուսուցիչը սիրում է աշակերտին, ապա նա ավելի լավ ուսուցիչ կլինի, քան նա, ով կարողացել է բոլոր գրքերը, բայց չի սիրում իր աշակերտին: Եթե ուսուցիչը սիրում է և իր աշխատանքը, և իր աշակերտին, նա կլինի կատարյալ ուսուցիչ»:

Ես շատ եմ ուզում, որ իմ ղեկավարած դպրոցի բոլոր ուսուցիչները կատարյալ լինեն, քանզի ուսուցչի ձեռքերում է մեր երկրի ներկան և ապագան: Ուստի պետք է համախմբվենք, միահամուռ ուժերով լծվենք լուսավոր ապագա կերտելու գործին ու առաքելությանը:

Հարցազրույցը՝ Սիլվա ԱՄՅԱՆԻ

«Դպրոցը սկսվում է ընդհանրից», -

ասում է Նոր Հաճնի ավագ դպրոցի տնօրեն Կարինե ԳԵՎՈՐԳՅԱՆԸ

լական հավասարության պահպանման, վատ սովորություններից զերծ պահելու, մասնագիտական ճիշտ կողմնորոշման և շատ այլ հարցերի շրջանակներում:

- Որո՞նք են մերօրյա հանրակրթական դպրոցի հիմնահիմունքները:

- Այսօր մերօրյա դպրոցում տեղի է ունենում բարեփոխումների մեծ շրջափուլ: Փոփոխության է ենթարկվել կրթության հիմնարար, կարևորագույն փաստաթուղթը՝ «Հանրակրթության պետական չափորոշիչը»: Ամենակարևորը՝ յուրացնել ՀԴԶ-ն, մեծ ուշադրություն դարձնել հենքային ուսուցմանը, առարկայական ծրագրերին և զննահատման նորմերին ու ձևերին:

Այսօր դպրոցներում կա նաև կադրային լուրջ խնդիր: Բազմաթիվ դպրոցներ ունեն ուսուցիչների պակաս: Կարծում եմ անհրաժեշտություն կա բարձրացնել Մանկավարժական համալսարանի գրավչությունը՝ հատկապես բնագիտական առարկաների, ինֆորմատիկայի և ռուսաց լեզվի ֆակուլտետներում:

Խնդիրներն, իհարկե, շատ են, բայց ես անդրադարձա ավելի գլոբալ խնդիրներին:

- Ինչի՞ց է սկսվում դպրոցը:

- Ինչքան էլ տարօրինակ թվա որոշ ընթերցողների համար, բայց պետք է նշեմ, որ դպրոցը սկսվում է ընտանիքից: Ընտանիքից է յուրաքանչյուր սովորող ստանում հիմնարար դաստիարակություն, ինչն էլ հետագայում նպաստում է դպրոցում հեշտ հարմարվելուն, ճիշտ հարաբերվելուն և առավելագույն գիտելիքներ ստանա-

լուն:

- Ուսուցչի հեղինակության ու կարգավիճակի վերականգնման Ձեր տարբերակը:

- Իմ կարծիքով ուսուցչի հեղինակությունն այսօր շատ է վտանգված:

Որակավորում և հեղինակություն ունեցող ուսուցիչը նա է, ով ունի գիտելիք և պատրաստ է ուսուցանել այդ գիտելիքը երեխային, ով պատրաստ է իր վրա վերցնել պատասխանատվություն վաղվա սերնդի, հասարակության, անհատի կայացման, մեր երկրի ապագան կերտելու համար:

Նախ ասեմ, որ ուսուցչի հեղինակության անկման երկու գլոբալ պատճառ եմ տեսնում:

Առաջինը՝ տեխնոլոգիաների զարգացումն է, որոնք շատ ավելի մեծ ազդեցություն է գործում սովորողների վրա, քան ուսուցիչները: Սոցիալական ցանցերը, ինտերնետը, տեսանյութերը մարդու ուղեղի շատ ավելի մեծ հատվածներ են ակտիվացնում, քան դասագիրքը և ուսուցչի խոսքը: Եթե նախկինում գիրքը, դասագիրքը, ուսուցչի խոսքը երեխային գիտելիք տալու միակ միջոցն էին, ապա այսօր հայտնվել են ավելի ազդեցիկ միջոցներ: Սա մշակակում է, որ ուսուցիչներն այլևս չունեն սովորեցնելու մեծաշնորհի և ՏՀՏ-ների հետ հայտնվել են մրցակցության մեջ:

Ուսուցչի հեղինակության անկման երկրորդ պատճառն այն է, որ ուսուցիչների ֆինանսական վիճակը, մեծ առումով, չի բարելավվում: Ուսուցչի աշխատան-

Բուհական հայալեզու դասագիրք...



➤2 թեկնածու, դոցենտ, Ա. Փիլոսյանի հայցորդ Աննա Առաքելյանը ներկայացրեց հեղինակի հարուստ կենսագրությունը, գիտահետազոտական հետաքրքրությունների առանցքային խնդիրներն ու շրջանակները, իսկ հոգեբանական գիտությունների թեկնածու, դոցենտ, նույնպես հեղինակի հայցորդ Անի Ավագյանը հանգամանորեն խոսեց դասագրքի բովանդակային ու կառուցվածքային առանձնահատկութ-

յունների, գիտական ղեկավարի՝ Մանկավարժական համալսարանում ավելի քան կեսդարյա գործունեության, հոգեբանական գիտության և մանկավարժական կրթության զարգացման մեջ ունեցած մեծ ավանդի մասին:

«Դասագիրքը գրված է հոգեբանության տեսական և գործնական ժամանակակից ձեռքբերումների հիման վրա, հոգեբանության տեսության բոլոր հիմնարար բաժինները ներկայացված են

պարզ ու մատչելի գիտական լեզվով, ինչը շատ կարևոր է ուսուցման գործընթացի համար», - ասաց Ա. Ավագյանը:

Հոգեբանական գիտությունների թեկնածու, բուհական դասագրքի գրախոս պրոֆեսոր Ռուբեն Աղուզումցյանը նկատեց՝ հեղինակը նորովի է մատուցել դասագիրքը, այն իրապես տարբերվում է հոգեբանության մյուս դասագրքերից, կարծում ես գիրքը, և միտքը աշխատում է: Նա հեղինակին անվանեց ունիկալ երևույթ ոլորտում, ում բարությունն անսահման է, իսկ բարությունն է ստեղծում մարդու բարոյականության հիմքը:

ՀԴՄՀ Գիտահետազոտական կենտրոնի տնօրեն, հոգեբանական գիտությունների դոկտոր Կամո Վարդանյանը շուրջ քառորդ դար աշխատում է Սուսաննա Փիլոսյանի հետ, ճանաչում նրան որպես մարդ և դասախոս: Կ. Վարդանյանի կարծիքով՝ նա էմպատիկ անձնավորություն է, ով բազմաթիվ լավ հատկանիշներից զատ, նաև մշտապես կարողանում է ամենատարբեր կոնֆլիկտների ժամանակ պահպանել հանդուրժողականություն:

Գիտական գրադարանի տնօրեն Տիգրան Պետրոսյանը վկայեց՝ հոգեբանության հայալեզու բուհական մոր

դասագիրքը ուսանողների կողմից ամենաընթերցվողներից է:

Դասագրքի հանդեպ ուսանողների վերաբերմունքն արտահայտեց մագիստրատուրայի 1-ին կուրսի ուսանողուհի Մարիան Գևորգյանը և շնորհակալություն հայտնեց արժեքավոր գրքի ստեղծման համար:

Հանդիպումն ամփոփեց հեղինակը՝ պրոֆեսոր Սուսաննա Փիլոսյանը, ով իրեն հատուկ համեստությամբ ու զսպվածությամբ ասաց, որ դասագիրքը ծնվել է իր և Մանկավարժական համալսարանի համագործակցությամբ:

«Ես Մանկավարժականի ծնունդ եմ, և պետք է ասել՝ Մանկավարժականը խթանել է իմ ամբողջ գործունեությունը»:

Մնում է ասել՝ պրոֆեսորը դասագիրքը գրել է ուսանողներին մատչելի ու ոչուրին լեզվով, դասախոսությունների ընթացքում բացահայտել նրանց առավել հասկանալի հատվածները, բարդ հասկացությունները հանել: Դասագրքի նյութերն էլ ընտրելիս բժախնդրորեն հաշվի է առել հոգեբանության ժամանակակից հայեցակարգերը:

Ներկաները շնորհավորեցին հեղինակին նաև ծննդյան օրվա առթիվ՝ ուսանողներին մաղթելով գիտելիքների ձեռքբերման բեղուն ճանապարհ մոր դասագրքի հետ:

Սիլվա ԱՄՅԱՆ



Հանդիպում համալսարանում

Ապրիլի 4-ին Մանկավարժական համալսարանի Կրթության հոգեբանության և սոցիոլոգիայի ֆակուլտետում հյուրընկալվել էին Արմյանի Ն. Վանյանի անվան №5 հիմնական դպրոցի աշակերտները՝ դպրոցի տնօրենի տեղակալ, հոգեբան Աստղիկ Շահնազարյանի ղեկավարությամբ:

Ի դեպ, վերջինս Ն. Արմյանի անվան հայկական պետական մանկավարժական համալսարանի Կրթության հոգեբանության և սոցիալական մանկավարժության ֆակուլտետի շրջանավարտ է, ով գերազանցությամբ է ավարտել ֆակուլտետը՝ ստանալով հոգեբան-մանկավարժի որակավորում:

Աշակերտները հանդիպեցին «Հոգեբանություն» մասնագիտության 4-րդ կուրսի ուսանողների հետ, որոնք աշակերտների համար գաղտնագրծեցին հոգեբան մանկավարժի գործունեությունն ու նպատակները: Ծավալվեց ակտիվ քննարկում իրենց հուզող հարցերի շուրջ: Այնուհետև աշակերտները շրջեցին համալսարանում, ծանոթացան բուհի կառուցվածքային ստորաբաժանումներին, այցելեցին ՀՊՄՀ գիտական գրադարան և համալսարանի պատմության թանգարան:

Մանկավարժից դեպի աստղագետ

Դպրոցական դասասենյակից դեպի աստղագետ երկինք տանող ճանապարհն ունի իր գեղեցկությունները և միաժամանակ մի շարք դժվարություններ: Մանկավարժ դառնալու նպատակն ծնվել է մանկության տարիներին, երբ ցատկապարանով խաղալու փոխարեն խաղում էի իմ հորինած խաղը, որտեղ ես ուսուցչուհի էի, իսկ ընտանիքիս անդամները՝ իմ աշակերտները: Եվ հիմա ամեն անգամ դասասենյակ մտնելուց և դաս վարելուց առաջ հիշում եմ այդ ուրախ օրերը, հիշում եմ իմ մանկության երազանքը, որն այսօր իրականություն է դարձել:

Աստղագետ դառնալու նպատակն ծնվեց, երբ ընդունվեցի համալսարան: Հավանաբար մինչ այդ վախեցել եմ այդ նպատակի մասին մտածել և բարձրաձայնել: Նպատակիս հասնելու առաջին քայլերն արեցի համալսարանում, իսկ աստղագետների հետ պարբերաբար հանդիպումներից հետո հասկացա, որ ճիշտ ճանապարհն էր ընտրել: Եթե մյուս գիտությունները հնարավորություն են տալիս կատարել չափումներ, փորձեր, ուսումնասիրել երևույթներ, որոնք մեզ շատ մոտ են, ապա աստղագիտությունը գիտություն է, որտեղ ուսումնասիրվող երևույթները և օբյեկտները մեզնից բավականին մեծ հեռավորություն ունեն: Աստղագիտության գեղեցկությունը հենց այստեղ է երևում:

Միաժամանակ զբաղվել մանկավարժությամբ և գիտությամբ՝ բարդ է, իսկ այդ երկուսի համադրությունը՝ բավականին գեղեցիկ և յուրօրինակ: Գիտությամբ զբաղվելը հնարավորություն է տալիս պատասխանել մի շարք հետաքրքիր հարցերի, իսկ մանկավարժությունը՝ այդ հարցերի պատասխանները մյուսներին փոխանցել: Եվ որպես մանկավարժ ես այսօր ունեմ իմ առաջ դրված մի մեծ խնդիր՝ հետ բերել սերը դեպի գիտությունը: Եվ այսօր, եթե հարցնեն, թե ո՞ր մասնագիտությունն է ինձ համար առաջնային ու հոգեհարազատ, ես կպատասխանեմ՝ երկուսի համադրությունը: Որպես աստղագետ ես դեռ մի մեծ տիեզերք ունեմ բացահայտելու...

Վարդուհի ՄԿՐՏՅԱՆ

«Մենք նման ենք սովորական մարդկանց, բայց մի քիչ փարբեր ենք»



Ապրիլի 2-ը նշվում է որպես աուտիկների համաշխարհային օր: Այս առիթով Մանկավարժական համալսարանի Հատուկ և ներառական կրթության ֆակուլտետը նախաձեռնել է ապրիլյան միջոցառումների շարք: Առաջին միջոցառումը՝ «Աուտիզմ և արվեստ» խորագրով, անցկացվեց Հանրապետական մանկավարժական հոգեբանական կենտրոնում: Կենտրոնի և համալսարանի համագործակցությամբ համատեղ կազմակերպված միջոցառումը հազեցած էր տարաբնույթ օրակարգով:

Բացման խոսքով հանդես եկավ Հանրապետական մանկավարժական հոգեբանական կենտրոնի տնօրենի ժամանակավոր պաշտոնակատար Հայկուհի Ադամյանը. «Աուտիզմով երեխաները շատ հաճախ արտահայտվելու խնդիր ունեն և արվեստի միջոցով ինքնարտահայտվելը լավագույն ձևն է նրանց համար»:

Հայկուհի Ադամյանը հավելեց, որ նման երեխաներից յուրաքանչյուրին պետք է անհատական մոտեցում ցուցաբերել, իսկ հասկանալու համար նախ պետք է նրանց ճանաչել, որովհետև աուտիզմը ոչ միայն տվյալ մարդու, այլև շրջապատող մարդկանց խնդիրն է:

Բանախոսը հավելեց, որ մշակույթի շատ հայտնի ներկայացուցիչներ աու-



տիզմ են ունեցել, նրանք արվեստի միջոցով են արտահայտվել, հաղորդակցվել հանրության հետ:

Մանկավարժական համալսարանի Գեղարվեստական կրթության ֆակուլտետի դասախոս Սևադա Սարգսյանը հանդես էր եկել ողջունելի նախաձեռնությամբ. նրա երկու տասնյակից ավելի գեղանկարչական աշխատանքները երկու ամիս կցուցադրվեն կենտրոնում:

«Արվեստը հաղորդակցման ամփոփարիներ է գործառույթ ունի», -ասաց մ.գ.թ., դոցենտ Սևադա Սարգսյանը, իսկ ֆակուլտետի ղեկան Արա Հակոբյանը վստահեցրեց՝ միայն արվեստի միջոցով կարելի է հասնել խաղաղության:

ՀՊՄՀ դասախոս, պրակտիկ մասնագետ Ալվինա Հայրապետյանը ներկայե-

րի համար գաղտնագրծեց հոգեբանական ախտորոշման հիմունքները արտթերապիայի միջոցով: Ձեկուցման մեջ նա հանգամանորեն անդրադարձավ նկարչաթերապիայի մեթոդին՝ ընդգծելով, որ միայն որակական և արդյունավետ կողմերի միջոցով է հնարավոր ռեալ գնահատել երեխայի նկարն ու վարքագիծը: Դասախոսը տարբեր մոդելներով վերլուծության ենթարկեց երեխաների նկարները՝ ընդգծելով, որ աուտիկների մոտ հիմնականում խոսքային խանգարումներն են, ուստի նրանց հնարավոր չէ գնահատել խոսքային մեթոդներով:

խնդիրն մոտեցավ նաև սովորական և աուտիկ երեխաների նկարչական աշխատանքների առանձնահատկությունների բացահայտմամբ:

Հանդիպումը հազեցած էր բազմաբնույթ նախաձեռնություններով. նախ Մանկավարժական համալսարանի ուսանողները ներկայեցին ընդգրկեցին աուտիզմի մասին գիտելիքներն ստուգող խաղի մեջ՝ 3 հաղթողի պատվոգրերի արժանացնելով, ապա ելույթ ունեցավ կենտրոնի «Միասին» թատերախումբը, որը հանդես եկավ «Նման ենք մենք իրար» ես ու դու» ներկայացմամբ: Երեխաները բարձրաձայնեցին «Մենք ձեզ նման սովորական մարդիկ ենք, բայց մի քիչ տարբեր...», իսկ Լիանայի ստեղծագործությունը, որ կատարեց կիթառով, օրվա թեմային համահունչ էր և հուզիչ:

Ամփոփումը և յուրահատուկ էր. ներկայների համատեղ ջանքերով ստեղծվեց Սևադա Սարգսյանի նկարներից մեկի նմանօրինակը:

Հատուկ և ներառական կրթության ֆակուլտետի ղեկանի տեղակալ Սուսաննա Մուրադյանը և կենտրոնի տնօրեն Հայկուհի Ադամյանը ևս մեկ անգամ ընդգծեցին, որ միջոցառումը իրազեկելու նպատակ ուներ, որ պետք է հասկանալ ինչ է աուտիզմը, և որ արտթերապիան աուտիկների ինքնարտահայտման լավագույն միջոցն է:

Սիլվա ԱՍՐՅԱՆ





ավելին է: Ներկայացվելիք աշխատանքների միջոցով հեղինակը ոչ միայն բնապահպանության խնդիրն է բարձրացնում, այլև մեր ինքնության շարունակության հարցը: Պատերազմից հետո կարծես նմանվել ենք սարգսյանական ծառերին՝ խոցված, կոտրված ճյուղերով և ճաքած բներով, բայց առողջ և խորը արմատներ ունենալով՝ կյանքը շարունակելու և ապրելու, հավերժ կանգուն մնալու պաթոսով:

Նկարչի սիրելի երանգը կապտականաչավունն է, որը կարելի է տեսնել նրա մի շարք աշխատանքներում: Դրանցում գերիշխող սառը երանգների խորքից դուրս է մղվում գլխավոր հերոսը՝ ծառը, և կարծես իր ճկուն ու սլացիկ կեցվածքով ջերմ ու կենդանի շունչ հաղորդում ստեղծագործություններին: Օգտագործելով ներկայանակի նրբին երանգները՝ Սարգսյանը հասնում է պատկերի լիրիկ



Տպավորություններ Սևադա Սարգսյանի «Վիրավոր ծառեր» ցուցադրությունից

Օրերս Մանկավարժական համալսարանում կայացավ մանկավարժական գիտությունների թեկնածու, դոցենտ, Հայաստանի նկարչների միության անդամ Սևադա Սարգսյանի «Վիրավոր ծառեր» խորագիրը կրող ցուցադրությունը, որտեղ պատերազմական և բնապահպանական թեմաներով ներկայացված էր 35 աշխատանք:

Ցուցադրվող ստեղծագործությունների շարքը ծնվել է 44-օրյա պարերազմից: Ներկայացվելիք աշխատանքներից իրենց տեսակով առանձնանում են «Վեհը», «Խաղաղ օր», «Մասրենին», «Ես կանգուն եմ» ու ևս մի քանի կտավներ, որոնք իրենց բարոյահոգեբանական ընկալումներով ինքնատիպ գործեր են: Աշխատանքների հիմքում «Կաղնու ծառն» է, որը ռմբակոծվել է պատերազմի ընթացքում. հենց այդ փոքրաչափ էսքիզը դարձավ ցուցադրության մեխը: Ռմբակոծությունների հետևանքով ծառի բնի վրա մնացել են մի քանի ճյուղ, սակայն կաղնին կանգուն է որպես բազմաչարչար ժողովրդի գոյության և զարթոնքի խորհրդանիշ:

Ինչպես վերևում ասվեց, ցուցադրվող ստեղծագործությունները պատկերված են պատերազմական թեմաներով: Սակայն ինչն է այստեղ հետաքրքիր՝ դրանցում չկան մարտական գործողությունների, պայթյունների ու աղմկոտ այլ տեսարաններ: Այստեղ գերիշխողը խորհուրդն է, այստեղ արհավիրքը անմիջապես դիպչում է խաղաղ բնությանը՝ նրա գլխավոր ներկայացուցչին՝ ծառին, իսկ ծառը կանգուն է և կարծես շիրազյան լեզվով շշուշում է. «Բայց մենք հավերժ ենք մեր լեռների պես»:

Դիտելով Սևադա Սարգսյանի ծառերի շարքը՝ ակամայից զուգահեռներ ես ուզում տանել հողածին մարդու միջև: Այստեղ, յուրաքանչյուր ծառ պատկերված է իր բնավորությամբ, իրեն հատուկ շարժումով: Ծաղկած թե մերկ վիճակում՝ նրանք արտահայտում են իրենց բնորոշ



վեհությունը, պատմում տարիների խորքից եկող կենսագրությունը:

Ծառը, որպես բազմամյա շնչող երևույթ, ի հայտ է եկել մարդկությունից էլ առաջ, հետագայում դառնալով արվեստագետների ներշնչանքի առարկա: Ծառերը, ինչպես նաև մարդիկ, շփվում են միմյանց հետ, իսկ զեփյուռի նուրբ քողի տակ կարծես պար բռնում: Այդպես ենք մենք տեսնում, այդպես ենք մենք պատկերացնում ծառերի էությունը: Սակայն անսահման է արվեստագետի երևակայությունը: Սարգսյանական ծառերը միայնակ են, նրանք վիրավոր են, բայց կանգուն, և ինչպես ժողովուրդն է ասում՝ «Ծառը խփելով չես գցի»:

Պատկերներում արվեստագետի եկխոսությունն է ծառի հետ: Երանք լուռ են, նրանք վիրավոր են, և թեկուզ այդ կեցվածքով ու իմաստուն խորհրդով, հիշեցնում են մարդու ձեռքով կատարվող արհավիրքների մասին:

Ծանոթանալով արվեստագետի կյանքին և գործունեությանը՝ հասկանում ես, որ Սարգսյանը կերպարվեստի լեզվով բարձրացնում է նաև բնապահպանության հետ կապված հարցեր: Սույն ցուցադրությունում ասելիքը շատ

և բանաստեղծական հուզականության: Ստեղծագործություններն էլ ավելի իմաստալից և հետաքրքիր են դառնում առկա խորհրդանիշներով, որոնք քո առջև խնդիր են դնում մտորելու և բացահայտելու իրենց գաղտնիքները: Հավերժության խորհուրդն արտահայտվում է փոքրիկ խաչերի տեսքով՝ որպես քրիստոնյա ժողովրդի արդար պայքարի, հավատքի դրսևորման և գոյատևման ապավեն, իսկ մեկընդմեջ երևացող թռչունները՝ խաղաղ օրվա իմաստը:

«Վիրավոր ծառեր» շարքում իրենց ուրույն տեղն ունեն փոքրաչափ քանդակները: Դրանք իրենց նյութերի զանազանությամբ՝ զսպանակած և ոլորված երկաթ, փայտ, ապակի, ավելի հարստացնում են ստեղծագործությունների բովանդակությունը, իսկ իրենց վրա տեղ-տեղ երևացող պտուղները կարծես ավետարանական պատգամներ լինեն՝ տալով համահունչ ու ներդաշնակ տպավորություն: Առաջին հայացքից, կարծես թե բան չասող, առանձին վերցված որոշ դետալներ, իրենց կատարողական վարպետության ու միաձուլման արդյունքում խոսում, իմաստալից տեսք են ստանում՝ հաղորդելով մտերմիկ և ջերմ տրամադ-

րություն: Յուրաքանչյուր քանդակ առանձնանում է իր կառուցվածքով և նյութերով, ինչպես նաև փոքրիկ մասրենիներով, որոնք կյանքի շարունակման նշանն են: Հենց դրանց միջից է առանձնանում պատերազմի դաշտից բերված արկի բեկորից պատրաստված քանդակը:

Ի դեպ, մեր արվեստասեր հասարակությունը Սևադա Սարգսյանի աշխատանքներին ծանոթ է վաղուց: 2021 թվականին Հայ բարեգործական միության ցուցասրահում բացվեց նկարչի հերթական անհատական ցուցահանդեսը՝ «Դժոխքի ծոր» խորագրով, հենված պատերազմական հիշողությունների վրա: Այստեղ էր, որ այցելուների ուշադրությունը գրավեց նկարչի «Կրակի վրա դրված թեյնիկը» խորագրով գեղանկարը՝ տպավորիչ մի աշխատանք, որտեղ փոխանցվում է թե՛ պատերազմի սարսուռը, թե՛ կրակի ջերմությունը:

Ժամանակները պահանջում են նոր մոտեցումներ. ինչքանով են դրանք հասկանալի, ընդունելի և կան որքանով է ճիշտ մեկնաբանվում՝ կղատի այցելուն: «Խոցված ծառեր» շարքն ունի հստակ ասելիք, որն անմիջապես դիպչում է դիտողի սրտին և մտքին: Նկարչին ընդամենը մեկ ծառի միջոցով կարողացել է փոխանցել մի ամբողջ ազգի հոգեբանական պատկեր: Համոզված ենք՝ ներկայացված աշխատանքներն իրենց մշակութային հետքը կթողնեն յուրաքանչյուրիս հոգում:

«Հաստատ իմացքը, որ եթե ցորենի հատիկը հողի մեջ չընկնի և չմեռնի, ինքը կմնա որպես առանձին հատիկ, իսկ երբ մեռնի, բազմաթիվ հատիկներ կտա» (Հովհաննես 12:24):

Սիմա ԳՐԻԳՈՐՅԱՆՑ
Շողիկ ՂԱԶԱՐՅԱՆ
Արվեստի տեսության,
պատմության և կառավարման
բաժնի մագիստրատուրայի 2-րդ
կուրսի ուսանողներ



ԱՊԱԳ-Ա ԼՐԱԳՐՈՂԻ ԷՋ

Ցուցահանդեսի ինքնաձևանաչման ձև է



Ապրիլի 5-ին Գագիկ Ստեփանյանի անվան № 135 դպրոցում բացվեց «Ստեղծագործական ուղի» խորագրով լուսանկարչական աշխատանքների ցուցահանդես:

Ցուցահանդեսը նվիրված էր Խ. Աբովյանի անվան ՀՀԿԿ Կուլտուրայի ֆակուլտետի Օպերատորության, գեղարվեստական լուսանկարչության ամբիոնի և Գագիկ Ստեփանյանի անվան №135 դպրոցի միջև կնքած համագործակցության հռչակագրի 1-ամյակին:

Ցուցահանդեսում ներկայացված էր ՀՀԿԿ Կուլտուրայի ֆակուլտետի Օպերատորության, գեղարվեստական լուսանկարչության ամբիոնի ուսանողների, շրջանավարտների և № 135 դպրոցի աշակերտների 65 լուսանկարչական աշխատանք:

Ցուցահանդեսի կազմակերպիչ, նույն ամբիոնի դասախոս Արմեն Խաչատրյանն ասաց. «Երիտասարդների ու պատանիների շրջանում պետք է զարգացնել գեղագիտական ու էսթետիկական մտեցումը գեղարվեստական լուսանկարչությանը՝ արտադասարանական ժամերի միջոցով դպրոցում ուսուցանելով գեղարվեստական լուսանկարչության արտահայտչամիջոցները և կարևորելով լուսանկարչական էթիկայի նորմերը»:

ՀՀԿԿ Պատմության և հասարակագիտության ֆակուլտետի դեկան Էդգար Չոփանյանը ողջունեց ցուցահանդեսի մասնակիցներին և ներկայացրեց Օպերատորության, գեղարվեստական լուսանկարչության ամբիոնի և Պատմության և հասարակագիտության ֆակուլտետի համատեղ աշխատանքը, որի արդյունքում ստեղծվեց 44-օրյա պատերազմում ֆակուլտետի գոհված ուսանողներին նվիրված լուսանկարչական պաստառը: Վերջինս կարևորեց լուսանկարչության անկրկնելի դերը պատմական էջերը լուսաբանելու տեսանկ-



յունից: Ցուցահանդեսին մասնակցում էր «Տաթևեր» երգիչ-պարի համույթը, ղեկավար՝ Տաթև Բարդղեմյան: Ցուցահանդեսի հյուրն էր ՀՀԿԿ Երաժշտության ամբիոնի պրոֆեսոր, քանոնահարուհի Հասմիկ Լեյլյանը: Ցուցահանդեսի բացմանը և ընթացքում դպրոցի ելուսանողներին ցուցադրվեցին դպրոցի և Մանկավարժական համալսարանի համագործակցությունը, նաև բուհի պատմությունը ներկայացնող լուսանկարներ: «Այս անգամ ոչ թե դիմանկարներ, այլ բնապատկերներ էին իմ աշխատանքներում,-մեզ հետ զրույցում ասում է ՀՀԿԿ գեղարվեստական լուսանկարչության բաժնի 4-րդ կուրսի ուսանողուհի Արփի Կարապետյանը:- Նման ցուցահանդեսները շատ մեծ նշանակություն ունեն ուսանողի համար: Կարելի է ասել, կատարած աշխատանքի ամփոփումն է: Բացի այդ, դրանք խթանում են ուսանողների ստեղծագործական աշխատանքը. երբ տեսնում են իմ նկարած լուսանկարները պատիճ փակցված՝ ուզում են էլ ավելի նոր ու լավ գործեր ստեղծել»:

Շողեր ՍՏԵՓԱՆՅԱՆ
Հեռուստառադիոլրագրության բաժնի 3-րդ կուրսի ուսանող
Ցուցահանդեսն ունի նաև էլեկտրոնային տարբերակներ ASPU Photo Gallery-ում՝ QR կոդով, Facebook-յան էջ՝ «Ստեղծագործական ուղի» Instagram stexcagorcan_uxi:

Ծաղկազարդը Դսեղում



Այս տարի Ծաղկազարդը Հայ Առաքելական եկեղեցին նշեց ապրիլի 2-ին: Տոնը նշվում է Սուրբ Զատիկի նախորդող կիրակի օրը, որը նշանավորում է Քրիստոսի հաղթական մուտքը Երուսաղեմ:

Ծաղկազարդի առավելագույնը եկեղեցիներում օրհնում են ուռնեմու և ձիթենու ճյուղերը և բաժանում ներկաներին, մատուցվում է պատարագ: Դսեղ գյուղի Սուրբ Գրիգոր Լուսավորիչ եկեղեցու քահանա Տեր Գրիգորիս Դերմենջյանի խոսքով, այդ օրը բացի Ծաղկազարդից, նշում են նաև մանուկների օրհնության օրը:

«Տարվա ընթացքում զրեթե բոլոր արարողակարգերն ու ծիսակարգերը պատշաճ կատարվում են գյուղի եկեղեցում: Երբ ծառայության անցա որպես Դսեղի Սուրբ Գրիգոր Լուսավորիչ եկեղեցու հոգևոր հովիվ, գյուղում եկեղեցական արարողությունների մասնակիցների թիվը բավականին փոքր էր: Բայց հիմա փոփոխություն կա, հատկապես Սուրբ Ծննդյան օրը, Ծաղկազարդի, Սուրբ Հարության և մյուս մեծ տոներին,- ասում է քահանան:-Երբ մեր Տերը մտավ Երուսաղեմ, նրան ժողովուրդը դիմավորեց որպես թագավորի և նրա առջև փռեց զգեստներն ու արմավենու ճյուղեր, որի նպատակն իրենց մեղքերը Քրիստոսին խոստովանելն էր: Քանի որ Հայաստանում արմավենու տարածված չէ, մենք որպես խորհրդանիշ օգտագործում ենք ուռնեմու ճյուղերը,- ասում է Տեր Գրիգորիսն ու ավելացնում, որ մանուկների օրհնության օրը այս տոնի հետ միավորել են, քանի որ Աստված շատ էր սիրում և կարևորում մանուկներին և Ավետարանական հատվածում ասում է, որ նրանց է երկնքի արքայությունը, այդ իսկ պատճառով էլ Հայ

Առաքելական Սուրբ եկեղեցում հատուկ ուշադրության են արժանանում նաև մանուկները»:

Նույն Բեժմյանը, որը եկեղեցու ոչ մի պատարագ բաց չի թողնում, ասում է, որ այս օրն իր համար շատ կարևոր նշանակություն ունի. «Տոնը ինձ համար գարնան զարթոնքն է խորհրդանշում»: Երբ արդեն նոր ճյուղերով պակ են ունենում, նախորդ տարվանը այրում են, ու այնուհետև, այս ճյուղերը ուղիղ մեկ տարի պահում, որ տունը նույնպես օրհնված լինի»,-ասում է նա: 10-րդ դասարանի աշակերտուհի Լաուրա Վանյան էլ, որը երգչախմբի անդամ է, նշում է, որ իր ընտանիքից ոչ ոք հիմնականում պատարագների չի մասնակցում, բայց ինքն արդեն 2 տարի անընդմեջ ներկա է գտնվում դրանց, նաև երգում:

«Ծաղկազարդի օրն առանձնահատուկ են սիրում, այն ինձ համար ոչ միայն եկեղեցական տոն է, ես այն ասոցացնում եմ բարության ու զարման հետ,- ասում է դպրոցական աղջիկը:- Ամեն անգամ չի ստացվում, բայց Ծաղկազարդին իմ ընկերներից շատերն ինձ հետ գալիս, մասնակցում են պատարագին ու օրհնության արարողությանը, զգացել են, որ իրենք էլ են արդեն հասկանում տոնի խորհուրդը»:

Հավելենք նաև, որ Ծաղկազարդի նախօրեին՝ շաբաթ օրը, կատարվում է նախատոնակ, բացվում է խորանի վարագույրը, իսկ հաջորդ օրը տոնական Սուրբ Պատարագը մատուցվում է բաց վարագույրով:

Սյուզաննա ԽԱՌԱՏՅԱՆ
Հեռուստառադիոլրագրության բաժնի 3-րդ կուրսի ուսանող

Տոնի խորհրդին ընդատա՞ջ, թե՞ պուրբ եկրոպականին

Հինգ տաղավար տոներից մեկը՝ Քրիստոսի հարության տոնը՝ Սուրբ Զատիկը, իր խորհրդով շատերի կողմից այսօր իմաստազրկվել ու հետին պլան է մղվել: Ինչպե՞ս են այսօր նշում Սուրբ Զատիկը: Գունավոր ներկված ձվերից մինչև սեղանի աքսեսուարներ, ղեկորներ ու ավելորդ ճոխություն:



Արևմտյան Եվրոպայից եկած վաճառույթները՝ ճագարի ձվիկներով, խաղալիքներով ու շոկոլադե բներով այսօր Հայաստանում ավելի արդիական են, քան հենց հայկական վաճառույթները:

«Ուշադրությունը կենտրոնացնելով ավելորդ զարդարանքների վրա՝ կորչում է տոնի իրական խորհուրդը»,- նշում է ձեռագործ աշխատանքներով զբաղվող Սանամ Մարտիրոսյանը, հավելելով, որ հայերն այսօր հետևում են Եվրոպայի օրինակին՝ հեռանալով արմատներից:

«Ի՞նչ կարիք կա սեղանին ունենալ մի քանի կուլիչ, որը սլավոնական արմատներ ունի, և չունենալ կարմիր ձու, որի խորհուրդը շատ հստակ է»: Ըստ Սանամ Մարտիրոսյանի, գունավոր ու կաչուն ժապավեններով զարդարված ձվերը փոքր տարիքից են երեխաների մոտ տպավորվում ու հետագայում հեռացնում սերմին տոնի իրական արմատներից:

Երեք երեխաների մայր Անի Ազատյանն էլ կարծում է, որ պետք է երեխաներին բացատրել և՛ տոնի խորհուրդը, և՛ հետաքրքիր ու գունավոր նշել այն:

«Սա ընտանեկան տոն է, կարող ենք օրը սկսել ճրագը տուն տանելով՝ այն կերտիստի վերածելու փոխարեն, ինչպես ամանորին ենք անում»,-ավելացրեց Անի Ազատյանը:

Ասում են, օրվա խորհուրդը, ինչու էլ, մոռացվում է նաև թանկացումներով պայմանավորված, հավատացյալներն էլ ձուկը, կանաչեղենն ու զինին փոխարինում են շոկոլադե տորթերով, նապաստակներով ու ալկոհոլային այլ խմիչքներով: Անցնելով նորին, պետք է չմոռանալ ու պահպանել հնուց եկած սովորույթներն ու վաճառույթները:

Լիլիթ ԱճԵՍՅԱՆ
Հեռուստառադիոլրագրության 3-րդ կուրսի ուսանող



ՈՒՍԱՆՈՂԻ ՕՐԱԳՐԻՑ

Ուսուցիչ դասնապու ճանապարհին

Շատերն իմանալով, որ սովորում են Հայկական պետական մանկավարժական համալսարանում, զարմանում են ու հարցնում, թե ինչն է ինձ դրդել ընդունվել այս համալսարան: Երևի, առաջին հերթին, մարդկանց զարմացնում է արտաքին տեսքս՝ մազերիս փոփոխական գույները, դաջվածքներս, հագնվելուս ոճը, բայց արտաքին տեսքը ոչ գիտության վրա է անրադառնում, ոչ սովորելու և ոչ էլ սովորեցնելու: Չգիտեմ կարծրատիպերը երբ հասան կրթությանը, բայց ես միշտ կուտրել եմ ու կշարունակեմ կուտրել այդ կարծրատիպերն ու կապացուցեմ, որ ոչ մազերի գույնը, ոչ հագուկապը ոչ էլ դաջվածքները հայրենասեր, խելացի, վերլուծող, մտածող սերունդ դաստիարակելու և կրթելու հարցում դեր չեն խաղալու և, ամենակարևորը, ապագա աշակերտներիս առաջին բանը, որ կսովորեցնեմ, այն կլինի, որ երբեք մարդուն չի կարելի դատել արտաքին տեսքով:

Ինչևէ, շուրջ երեք տարի ինքս չեմ հասկացել, թե ինչ եմ անում այս համալսարանում, որն է այստեղ սովորելու իմաստը կամ առաքելությունը: Երբ համծնարարում էին գրել էսսե՝ ինչու եմ ընտրել ուսուցչի մասնագիտությունը, դժվարանում էի գրել, մտքերս չէի կարողանում դասավորել, ընտրության վրա կասկածում էի ու մտածում, որ սխալ մասնագիտություն եմ ընտրել, բայց երեկ վերջապես հասկացա ու, բացի հասկանալուց, արդեն այն հարցին, թե ինչու եմ սովորում հենց այս համալսարանում, համոզվեցի, որ եմ պատասխանել:

Բոլորը էլ գիտեք՝ միշտ չէ, որ ամեն բան առաջին անգամից է ստացվում: Առաջին ան-



գամ դաս տալու փորձը ծախսողվեց. շատ լարված էի, չգիտեի ինչ խոսեի, ինչ անեի, որ երեխաները իրենց լավ զգան, չձանձրանան, և բացի դրանից էլ, լարվելուս պատճառն այն էր, որ ֆորս մաժորային իրավիճակ ստացվեց, որը հանգեցրեց խառնաշփոթի: Դասարանից դուրս եկա անտրամադիր, հիասթափված ու ինչու չէ՛ նաև փոքր-ինչ վրդովված, որովհետև չէի սպասում, որ այդպես կստացվի: Խուսափում էի ու չէի ուզում էլ դաս տալ, բայց դպրոցի ուսուցչիներից մեկը, ով մեր համալսարանում մագիստրոս էր, սասց՝ չհիասթափվեմ, դա ամենակարևոր բանն է, որից հետո փոքր-ինչ հանդարտվեցի: Ինչևէ, երեկ արդեն դասավանդելուս երկրորդ փորձն էր: Պատասխանատվությունից փախչելով և համապատասխան փորձ չունենալու պատճառով որոշեցի դասավանդել 6-րդ դասարանում: Կյանքում այդքան լարված զանգի ծայրին չէի սպասել: Չանգը տվեց, երեխաները ոտքի կանգնեցին, նրանց դասավանդող ուսուցչուհին ասաց, որ

նրանց դասն այսօր ընկեր Դավթյանն է անցկացնելու: Եվ ուրախ էի, և տխուր, և էլ չէի գիտակցում, որ հասել եմ այն կարգավիճակին, որ ուղղակի Դավթյան ազգանվան կողքին ավելացավ նաև ընկերը, բայց չէ՞ որ ընկեր բառն իր մեջ բազմաթիվ պատասխանատվություն ու իմաստ է պարունակում: Պետք է գիտակցես, որ առաջին հերթին քո աշակերտի ընկերն էս, հետո նոր ուսուցիչը: Երեխաներին պատմում էի հին Հայաստանի տնտեսության մասին. դուք պետք է տեսնեիք առաջին շարքի մատած աղջկա հիացած ու հետաքրքրված հայացքը: Ամբողջ դասի ընթացքում նրան նայելով՝ ջերմություն էի զգում ու հնձանից անկախ ժպտում: Միզուցեց հենց նրան նայելով հիշում էի ինձ իր տարիքում ու մի պահ ուզեցի հայտնվել նրա տեղում, ոչ թե անհոգ մանկություն ունենալու, այլ ինձ կողքից տեսնելու համար, տեսնելու համար, թե ինչպես այն աղջիկը, ով ամբողջ կյանքում դպրոց սիրով չի զնայել, այսօր մեծ եռանդով, սիրով ու պատասխա-

մատվության զգացումով նորից մտել է դպրոց, բայց ոչ թե սովորողի կարգավիճակով, այլ՝ սովորեցնողի: Անկեղծ ասած՝ ամբողջ դասի ընթացքում մտքումս դպրոցիս պատմության ուսուցչուհու խոսքերն էին պտտվում, երբ բղավում էր վրաս ու ասում, որ չսովորելով ոչնչի չեմ հասնի, համալսարան չեմ ընդունվի, բայց նա երկու տարի ինձ դասավանդելուց հետո էլ անգամ չհասկացավ, որ ինչ թե ես չեմ ցանկացել սովորել, այլ նա է դասավանդել այնպես, որ ես չեմ ցանկացել սովորել: Նա չէր գիտակցում, որ իր մասնագիտությունը պատասխանատվություն, միևնույն, համբերություն էր պահանջում: Չէր գիտակցում, որ իր ֆինանսական և ընտանեկան խնդիրները պետք չէ դասարան բերել, որովհետև մենք ամեն ինչ զգում ու հասկանում էինք: Չեմ հասկանում, թե ոնց կարելի էր «Հայոց պատմություն» առարկան այդքան ծանծաղի դասավանդել. ոչ մի մեթոդ, ոչ մի նորություն, ոչ մի մոտեցում: Միայն անհիմն բղավոցներ ու մեղադրանքներ...

Նրա դասերի ժամանակ միշտ մտածում էի՝ եթե օրերից մի օր հանկարծ որոշեմ դառնալ մանկավարժ, նա կլինի այն մանկավարժի օրինակը, որին երբեք չեմ նմանվի, իսկ մյուս կողմից էլ մտածում եմ՝ իմ մասնագիտություն ընտրելու հարցում ամենամեծ ներդրումը հենց ինքն է կատարել, ցույց տալով, թե ապագայում ինչ սխալներ չպետք է թույլ տամ և որ աշակերտներիս վերաբերելու փոխարեն միշտպիտի ողջունեմ յուրաքանչյուրի ընտրությունն ու ամեն կերպ աջակցեմ նրանց...

Սարինա ԴԱԹՅԱՆ
Պատմության և
հասարակագիտության
ֆակուլտետի պատմության բաժնի
3-րդ կուրսի ուսանող

Ջավախքի վրձինը՝ Համլետ Արոյանի ձեռքին

Գեղանկարիչ Համլետ Արոյանի շնորհիվ ու տաղանդն ի հայտ է եկել դեռ երեք տարեկանում և ակունքվում է հայրենի բնաշխարհից՝ Ջավախքից: Նա մեկն է այն ջավախքցիներից, ում կենսագրությունն ու ստեղծագործությունը սերտորեն ձուլված է ծննդավայրին ու նրա հայրենակիցների, նրա ջքնաղ ու եթերային բնությանը:



Ստեղծագործություններում արվեստագետի հոգին է, զգացումը, տրամադրությունը և կյանքի հանդեպ նրա ունեցած լավատեսական շունչը, որին հաղորդակցվում է դիտողը: Նրա գործերը ձգողական ուժ ունեն, որ հարգանք է ներշնչում արարողի հանդեպ ու մեկ քայլ անելուց առաջ ստիպում խորհել, թե ինչ լայն, խորը և հետաքրքիր ներաշխարհ ունի գեղանկարիչը, հոգու հարուստ ներկայմակ, որում զգրիշխողը կապույտ է, նրա՝ ամենահաճախ օգտագործած գույնը, անսահմանության և հավերժի գույնը: Ամենակարևորը, յուրաքանչյուր ստեղծագործության մեջ իր հոգու արևն է, ինչպես արևածագը Աբուլի ճերմակազարդ գագաթին:

Համլետ Արոյանը արվեստագետ է, որի ամեն խոսքում Ջավախքի բնությունն ու պատմությունը կենդանանում է, ինչպես իր հրաշք կտավներում: Դրանցից ամենարե ակնթարթ իսկ կտրվել, ուզում ես շարունակ նայել, փնտրել խորհուրդն ու անբացատրելի, առեղծվածային ու խորհրդավորը: Նրա հավերժական բնությունն ապրեցնում է: Ջավախքի բնության հեքիաթային պատկերները գերում են կախարդական ուժով ու գույնով, երանգի ճիշտ արտացոլանքով և

արտահայտչանքով: Ջավախքյան է նրա արվեստը: Դա գեղեցիկի, բարու և լուսավորի զգացական աշխարհն է: Վարպետն իր հոգու ջերմությունն ու լույսն է թողել իր պատկերած աշխարհում, իր խոստովանանքը: Դրանք ոգեղեն են, արարված գեղանկարչի շնորհալի ձեռքով ու ամենատեսալի մարմնով, նրա գերզգայուն սրտով: Նրա հետ ամեն գրույցով ջավախքտ է դառնում օրը, ու հասկանում ես, որ ուր էլ գնաս՝ կարոտելու ես Ջավախք աշխարհը:

Ի՞նչն է պատճառը, որ վարպետի կտավների կապույտն ապրում է մույնիսկ հիշողությանդ մեջ, չի մեռնում, չի տարրալուծվում, այլ հավերժանում է...

Ու մտորում ես կապույտն այդպես տեսնելու և արտահայտելու նրա տեսակի մասին: Տեսնես ինչի՞ց է, որ արվեստագետի մոտ այդ կապույտն այնքան շատ է, այնքան սիրելի, այդքան հետաքրքիր ու յուրօրինակ տարբեր:

Լուսինե ՏեՊԻՅԱՆ
ՀՊՄՀ հեռուստառադիոլրագրության բաժնի 3-րդ կուրսի ուսանող

Պրակտիկան մեծ փորձ է կարևորի ճանապարհին

«Կրթության հիմնական նպատակը հայելիները պատուհաններ դարձնելն է», - ասել է Սիդնեյ Ջ. Հարիսը:

Լսարանային դասերից այն կողմ մի ուրիշ աշխարհ է: Երբ բացվում են վարագույրները, դու արդեն ուսուցիչ ես: Միայն գիտելիքներ ունենալը շատ քիչ է ուսուցիչ համարվելու համար, պետք է և կարողանալ կիրառել այն: Հենց դրան է ծառայում մանկավարժական պրակտիկան, որը հնարավորություն է տալիս որպես ուսուցիչ ինքնադրսևորվելու, արտոնելու սեփական ուժերը:

Մանկավարժական պրակտիկան ընթանում է մի քանի փուլով, առաջին փուլը կոչվում է ուսումնառման աշխարհային, որի ընթացքում հնարավորություն է տրվում ծանոթանալ դպրոցին իբրև կառույցի: Այս ընթացքում մենք՝ ապագա ուսուցիչներս, փորձում ենք ներկայանալ որպես մանկավարժ՝ համոզվելով, թե դպրոցն արդյո՞ք այն վայրն է, որտեղ զինվորագրվել ենք ծառայելու:

Պրակտիկայի ամենից գեղեցիկ փուլը կիրառականն է, որի ընթացքում հնարավորություն ենք ձեռք բերում ներկայացնել մեր ունեցած գիտելիքները՝ դասեր վարելով:

Ես բակալավրի կրթական ծրագրում ավարտել եմ մանկավարժական պրակտիկայի բոլոր փուլերը, կարողացել եմ վարել հաջողված դասեր, որոնց ընթացքում ձեռք եմ բերել աշակերտների սերն ու հարգանքը: Մանկավարժական գործընթացը մի ամբողջ համակարգ է, որի ընթացքում անհրաժեշտ է փոխադարձ համագործակցություն, կապական մի շղթա, որը կազմված պետք է լինի ուսուցիչ-աշակերտ-ծնող եռանկյունուց: Պրակտիկան մեծ փորձ է կարևորի ճանապարհին, երբ մի քայլ է քեզ բաժանում աշակերտ և ուսուցիչ լինելուց, պարտավորեցնող է, որովհետև մենք երբեք էլ չենք կարողանա առաջին անգամ դասարան մտնել և վարել առաջին դասը: Կարևոր է սիրել մասնագիտությունը, որն ընտրել ես: Ես բանասեր եմ, և մանկավարժ լինելն իմ առաքելությունն է:

Մերի ԱՌԱՔԵԼՅԱՆ

Սուրբ պարիկը՝ Արագածում

«Քրիստոս Հայրավ ի մեռելոց, Օրինյալ է Հարությունը Քրիստոսի» խոսքերով Տեր Մաղաքիա քահանա Գևորգյանը Արագածի Սուրբ Աստվածածին եկեղեցում սկսեց Սուրբ Ջատիկ պատարագը:

Ջատիկը շարժական տոն է. Հայ Առաքելական եկեղեցին այն մշու է մարտի 22-ից ապրիլի 26-ն ընկած ժամանակահատվածում: Ջատիկի նախօրեի երկրյան Հայաստանի բոլոր եկեղեցիներում մատուցում են ճրագալույցի պատարագ, որն ազդարարում է Ջատիկ տոնակատարության սկիզբը:

Ներկված ծվեր, կանաչեղեն, բրնձով, չամչով և չորամրգերով փլավ, ձուկ և գինի: Տեր Մաղաքիա քահանա Գևորգյանի խոսքով՝ պատահական չեն ընտրված թեթև ուտեստները, քանի որ տոնին նախորդում է Պահքի շրջանը:

«Եթե մարդիկ առողջ են, կարող են ուրբաթ երեկոյից չիչն չուտել, իսկ շաբաթ երեկոյան, ճրագալույցի պատարագին հաղորդություն առնելուց հետո, համտեսել զատկական ուտեստները», - ասում է Տեր Մաղաքիա քահանա Գևորգյանը և հավելում, որ կարելի է շաբաթ օրվա երեկոյից սկսել պահք պահել և հաղորդություն առնել կիրակի՝ Ջատիկի պատարագին:

Ջատիկը տարբեր երկրներում մշվում է յուրովի: Իսպանական Վերծես քաղաքում Սուրբ հինգ-շաբթի օրը կազմակերպում են «մահացու պար» կոչվող բեմադրություն: Մարդիկ հագնում են «կմախք» հիշեցնող կոստյումներ և պարում: Պարը սկսվում է կեսգիշերին և տևում 3 ժամ:

Երուսաղեմում մարդիկ ուրբաթ օրը քայլում են այն ճանապարհով, որով Հիսուսն է անցել իր խաչելության օրը: Լեհաստանի որոշ շրջաններում Ջատիկ տոնը մնանվում է հայկական վարդավառի. մարդիկ միմյանց վրա ջուր են ցողում, այդ ավանդույթը կոչվում է Սմինգուս - Դիմգուս: Այն աղջիկն, ով ջրվեց՝ այդ տարվա ընթացքում, ըստ ավանդույթի, ամուսնանում է:

Կիոյ ՈՍԿԱՆՅԱՆ
ՀՊՄՀ հեռուստառադիոլրագրության բաժնի 3-րդ կուրսի ուսանող